



Broj: 15-03-16-5-41-44/25
Dana: 5.9.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24), te člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, br. 56/08) Agencija za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o poništenju postupka javne nabavke**

Član 1.

Poništava se postupak javne nabavke **opreme za optičku mrežu i integraciju sa radio-relejnou mrežom**, objavljen na Portalu javnih nabavki Bosne i Hercegovine, Obavještenje o nabavci broj 1110-1-1-27-3-71/25 od 9.6.2025. godine i Ispravke za obavještenje o nabavci broj 1110-1-1-27-8-81/25 od 22.7.2025. godine, koji je proveden otvorenim postupkom.

Član 2.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na web stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke (u daljem tekstu: Komisija) je konstatovala da je rok za prijem ponuda u postupku bio 5.8.2025. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle tri (3) ponude i to: UNIS Telekomunikacije d.d. Mostar, Grupa ponuđača ARTCO d.o.o. Sarajevo, TELEFONGRADNJA d.o.o. Hadžići, OXA d.o.o. Sarajevo i LIV ELEKTRONIK d.o.o. Sarajevo i Grupa ponuđača IGMAKO SMART SOLUTIONS d.o.o. Banja Luka i IGMAKO SMART SOLUTIONS d.o.o. Beograd – Novi Beograd. Neblagovremenih ponuda nije bilo.

Komisija je prema uslovima i specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-41-43/25 od 18.8.2025. godine, u kojem su detaljno obrazloženi razlozi za poništenje postupka javne nabavke.

U skladu sa navedenim zapisnički je utvrđeno da su od Grupe ponuđača IGMAKO SMART SOLUTIONS d.o.o. Banja Luka i IGMAKO SMART SOLUTIONS d.o.o. Beograd – Novi Beograd te od Grupe ponuđača ARTCO d.o.o. Sarajevo, TELEFONGRADNJA d.o.o. Hadžići, OXA d.o.o. Sarajevo i LIV ELEKTRONIK d.o.o. Sarajevo tražena pojašnjenja te da su ista dostavljena u ostavljenom roku. Dostavljena pojašnjenja komisija je analizirala te detaljno evidentirala zapisnički i iste čine njegov prilog.



Ivana Franje Jukića 2, 78000 Banja Luka
Tel: + 387 51 340 170
Fax: + 387 51 340 180



Ивана Фрање Јукића 2, 78000 Бања Лука
Тел: + 387 51 340 170
Факс: + 387 51 340 180

Analizom ponuda komisija je zapisnički utvrdila da ponuda Grupe ponuđača ARTCO d.o.o. Sarajevo, TELEFONGRADNJA d.o.o. Hadžići, OXA d.o.o. Sarajevo i LIV ELEKTRONIK d.o.o. Sarajevo je neprihvatljiva s obzirom da u ponudi nije dostavljen adekvatan dokaz o ispunjenosti uslova iz člana 48. i 49. Zakona o javnim nabavkama BiH a što je u skladu sa tačkama 6.5. i 6.5.1. pod h) odnosno f) i g) tenderske dokumentacije. Takođe, komisija je utvrdila da ponude ponuđača UNIS Telekomunikacije d.d. Mostar i Grupe ponuđača IGMAKO SMART SOLUTIONS d.o.o. Banja Luka i IGMAKO SMART SOLUTIONS d.o.o. Beograd – Novi Beograd ne ispunjavaju zahtjeve u pogledu opisa predmeta nabavke i tehničkih specifikacija, odnosno da ponuđena oprema ne ispunjava uslove i zahtjeve tehničkih specifikacija datih u Tenderskoj dokumentaciji te su iste ocijenjene kao nepravilne.

Po provedenim aktivnostima, Komisija je utvrdila da nijedna od primljenih ponuda nije prihvatljiva zbog čega je predložila donošenje odluke o poništenju ovog postupka javne nabavke u skladu sa članom 69. stav (2) tačka d) Zakona o javnim nabavkama BiH.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević

дигитално потписано / digitalno potpisano / digitally signed